

galibus ad Evangelicas non valet consequen-
tia. Mandata Evangelii sunt duo; unum
 de pœnitentiâ salutari, alterum de fide in
 Christum *Marc. 1. 15.* Promissiones Evan-
 gelii potissimum sunt duæ; una de justifi-
 catione gratuitâ, altera de hæreditate vi-
 tæ æternæ. *Rom. 1. 17. 1. Ioh. 2. 25.* Com-
 minatio Evangelii est de infidelium Chri-
 sto non obtemperantium condemnatione
Iohan. 3. 18. 36. Mandata legis sunt duo;
 fuge malum, & fac bonum *Exod. 20.* ubi
 commemorantur præcepta negativa &
 affirmativa: quæ tamen revocantur ad
 unum dilectionis mandatum *Matth. 22.*
 Promissio legis est, quòd vitam æternam
 promittit cuilibet homini sub conditio-
 ne propriæ obedientiæ *Matth. 19. 16.* Com-
 minatio ejus est, quòd mortem æternam
 minatur transgressoribus *Deut. 27.* Hinc
 patet cur non liceat argumentari à lege ad
 Evangelium, & contrâ. Nimirum lex no-
 bis est impossibilis, quantum ad rigidum
 postulatum attinet.

IV. Ab eventu Evangelii adventitio ad
illius finem non licet argumētari. Finis ipsius
 est, ut sit potentia Dei ad salutem cuiusvis
 credenti, atque odor vitæ ad vitam *Rom. 1.*
16. 2. Cor. 2. 16. Eventus adventitius est
 perditio infidelium: quibus illud est odor
 mortis ad mortem proprio ipsorum vitio.

V. Man-